



Pressemelding

STATSMINISTERENS KONTOR

Statssekretær Øystein Singaas
Informasjonssjef Øivind Østang
Postboks 8001 Dep, 0030 OSLO

Telefon ktr.: 22 34 40 06
Telefon ktr.: 22 34 40 37
Telefaks: 22 34 95 00

Telefon priv. : 22 28 68 80
Telefon priv. : 22 22 28 01

SPERREFRIST: Ingen

DATO: 6. januar 1995

PRIV. TIL RED.: STATSMINISTERENS PROGRAM FRAMOVER

Tysdag 10. og onsdag 11. januar er statsministeren i Helsingfors, i samband med Nordisk Råd sin konferanse "Norden i FN - for fred og utvikling". Pressekontakt er statssekretær Øystein Singaas. Følgjet bur på Hotel Grand Marina, som òg er konferansestaden. Telefon 095 358 0 16 661 - telefaks 095 358 0 66 47 64.

Statsministeren kjem til Helsingfors tysdag ettermiddag 10. januar. Om kvelden held Riksdagens talmann, Riitta Uosukainen, ei mottaking for konferansedeltakarane, på Palace Hotel.

Onsdag 11. januar kl. 10.30 er statsministeren til stades når president Martti Ahtisaari opnar konferansen, i Hotel Grand Marina sitt kongress-senter. Kl. 12.30 held presidenten lunsj for regjeringssjefar og andre. Kl. 14.00 drøftar konferansen "FN i framtida", etter innleiing av statsminister Brundtland og Sir Shridath Ramphal, som saman med statsminister Ingvar Carlsson leiar Kommisjonen for global styring. Sesjonen om "Norden, EU og FN", kl. 16.30, vert innleia av mellom andre statsminister Esko Aho. Kl. 19.30 held statsminister Aho mottaking for konferansedeltakarane, i Ständerhuset i Helsingfors.

Torsdag 12. januar kl. 12.15 talar statsministeren til landskvinnekonferansen i Arbeidarpartiet, i Folkets Hus i Oslo.

Fredag 13. januar kl. 11.00 tek statsministeren imot USA sin tidlegare utanrikminister Henry Kissinger, på Statsministerens kontor. Det er høve til å fotografere. Kissinger er i Oslo for å halde foredrag på Den norske Atlanterhavskomiteén sin konferanse på ettårsdagen for utanriksminister Johan Jørgen Holst sin bortgang. Statsministeren opnar denne konferansen same dag kl. 15.00, i Nobelinstituttet i Oslo. Kl. 17.30 tek statsministeren imot den franske utanriksministeren, Alain Juppé, på Statsministerens kontor. Det er høve til å fotografere.

Laurdag 14. januar er statsministeren i København, i samband med eit møte i samarbeidskomiteén for dei sosialdemokratiske partia i Norden (SAMAK). Møtet finn stad i Falconercenteret, Falconer Allé 9 på Frederiksberg. For nærare informasjon om møtet viser vi til Arbeidarpartiet sitt kontor.